

實業志

(一) 工業

縣境居民大半業農又無大規模之工廠因之工業不甚發揚有之則皆靈巧之輩以手工製造者雖無富大用而於日常事物不無小補茲將小手工業分用品食品二者述之

(一) 製造用品

盆 城南河頭村安蘭鎮有製盆者設窯專燒黃綠等色盆名琉璃盆其製造之法先以泥製造白盆入窯燒之俟其真堅取出施以釉真塗以黃綠顏色再燒之即成真堅而美以之盛物歷久耐用所塗之黝係用銅鉛石麩等物炮製而成法至秘密外人殊難仿效以故為該村專利焉以其物美價廉之故銷售甚多每年銷售各縣為數至百餘萬件之譜

杼 織具用以持緯分經者為縣東龍化村出產原真係用竹線二者製成業此者

晉縣志料

卷上 實業志

一

晉縣修志局編印

每人日可製四五架每年銷售各縣至數百萬件之多

梳 理髮之具以棗杜木真為之縣東四常村多業此者每年銷售於平津各處為數甚眾

剃刀 亦稱溝刀以出於縣南涕泗溝村故名刀鋒快利遠近無比因馳名各地近年以來西洋刀盛行此刀銷路始稍稍不暢 涕泗溝今改名永豐村

麻繩 以葶麻紡成為用頗廣縣之田村光燦兩村業此者甚多亦有以老套 即舊花 紡成者名曰套繩用以汲水堅而耐用均獲利甚豐

柳罐 取水灌田之器農家要具也以柳條編織而成口大底扁平出於縣之管洽村與深縣出者齊名稱為管洽水篋

翎扇 揮暑之器取禽鳥羽毛穿插而成盛夏時為民家必需之品較紙扇輕鬆涼爽縣之南彭家莊多業此者

秤毫 用以提携秤桿者以牛筋製成縣之屯尚村有業此者獲利頗厚

土布 縣境盛產棉故織布者衆因而土布馳名遐邇自洋布興高陽布暢銷境內後土布大受影響焉

(二)製造食品

酥燒餅 縣境常營村有張姓者以製酥燒餅著名為本縣特產製法甚秘世世相襲不告人因專利致富焉其形如菜蓋以油麩烤成一面粘以芝麻食之酥脆香甜每歲春節後售於各地為親朋送禮嘉品

酥糖 以芝麻炒熟研細和糖真摺疊而成食之香甜適口亦送禮之嘉品也縣之石村多業此者

糖瓜 用黍米熬糖搓之為丸形每歲腊月沿街叫賣以祀皂君者出縣南仁義村掛麩 以麥麩切細掛繩上陰乾而成為日常食品縣東曹村多業此者

麩醬 以麥類食物如饅首等當伏日發酵和鹽物製成用以調和五味為用甚大黑油豆油果子油 黑油係用棉籽豆油係用豆類果子油係用落花生壓榨而出

晉縣志料

卷上 實業志

二

晉縣修志局編印

縣境多業此者每年運至天津銷售獲利甚巨

香油 炒芝麻以石磨磨之沈澱其滓俟其澄清取出即是味香烈較他處所出者良名小磨香油滓為麻醬亦可佐食

(二)商業

懋遷有無轉運貨物商人之功甚偉近世西洋倡商戰之說於是商業為各國所重縣境無大企業有之不過商店及運輸貿易者流耳何足以言商業以視通都大邑之洋行商號者誠小巫見大巫矣茲將縣內各商業分述之

鹽業 為縣內商號之較大者自長蘆網運鹽至境銷售全境縣城設總店各鎮則設分店一號專利獲利不貲云

典業 以典真衣物為生意業此者多晉省人其營業之興盛不亞於鹽業

棉業 縣內產棉故業此者甚衆全縣統計約百餘家稱曰花店運棉花至天津銷售獲利甚厚

糧食業 俗稱糧店販糶五穀便民日用獲利較花店為次縣境業此者數百家  
雜貨行 一稱百貨店各項用品以及食物一應俱全

(三) 農業

縣境四野平原土壤肥沃自古以來人民恒多業農故縣內無大資本家及大地主  
而農民中大半皆屬自耕每年除冬令外春耕夏植秋穫朝作晚息終歲勤勞一種  
樸真精神實為各界所弗及且於農隙之時兼營副業茲分述之

(一) 田農 專事耕鋤土地栽培主要植物者此類農夫佔全縣人口五分之三

(二) 圃農 一曰菜農專營菜蔬等種植業獲利較莊農為多佔全境農夫中十分之  
一強

(三) 園農 一曰花果匠專事培植花果以給人用近於技巧獲利亦豐

農家副業

(一) 養蚕 業此者多婦女每春蚕出後即終日採桑飼哺迨吐絲作繭後蚕事始畢

晉縣志料

卷上 實業志

三

晉縣修志局編印

繅絲成帛名曰土紬農家有利之業也

(二) 養猪 縣境農戶無論貧富多畜猪飼以蔬菜糠粃等物俟其肥碩於年節屠之  
以供賓客及本家之食用

(三) 養鷄 亦農家副業之一養鷄一隻每年產卵約二百四十個以每銀一元買卵  
四十枚計之全年可收入六元之譜小戶養鷄數隻綽有餘裕故飼鷄者殊多  
(四) 養蜂 蜂為最有利之業人工微而獲利厚惟近年來洋蜂充斥業是者惟蜂之  
多寡是求不講製蜜而養蜂一道群視為致富捷徑跡近投機焉

(四) 漁牧

縣境無專以漁為業者即有結網而漁者非有閒階級之人即為好事之輩牧業亦  
無專務間有牧羊者然為數不多不足稱云